



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. X. Admonet homines negotiosos.

[urn:nbn:de:hbz:466:1-46940](#)

uentura sit ? Absit profana cogitatio
hæc: immo propterea domus vestræ
multiplicabuntur. Offerte mihi confi-
denter de substantia vestra, & de pri-
mitiis frugum vestrarum: & implebū-
tur areæ vestræ frumento, & vino tor-
cularia redundabunt. Voces, & desi-
deria pauperum pro vobis orantium
penetrabunt viscera mea. Et ego vos
mihi per misericordiam similes ama-
bo: domos magnas ædificabo vobis in
terra: & in superna Ierusalem, quæ ma-
ter vestra est, mansiones infinitæ con-
solationis, & pacis abundantia plenas
præparabo.

C A P. X.

Admonet homines negotiosos.

IN pace cordis ad æternæ bona fu-
spirantis factus est locus meus, &
habitatio mea à strepitu negotiato-
rum longè remota; facta est in Sion.
Qui cor suum effundit sicut aquam, in
terrena negotia, & sollicitudines sæ-
culi, peregrè recedit à portu tranqui-
litatis bonæ conscientiæ, quæ abiecit
curâ sæculi, intimè gaudet iucundissi-

I ma ha-

ma habitatione spiritus mei. Filios Ty-
ri faciētes operationem in aquis mul-
tis , & sine fine laborātes non permit-
tam ad pacem Sionis peruenire, quam-
uis pacem sine requie requirant. Con-
siderate filij, qui negotiorum aquis suf-
focamini, quò tendat infinita sollici-
tudo vestra : & quām insipienter agi-
tis, dum cor vestrum, quod mihi totum
sacrificare deberetis, in tot curas dissi-
paris. Qui non colligit mecum disper-
git : qui non est mecum contra me est:
qui non amat , & quærit communica-
tionem meam , non est benè affectus
erga me: Utinam haberetis aures audi-
endi me, & daretis locum inter tot ne-
gotia mūdi, negotio vni salutis vestre,
quod præponderat vniuersis mūdi bo-
nis, quæ apparent, & non sunt. Usque-
quò vim facietis suauissimo Spiritui
meo , qui secretis inspirationibus in-
struit vos ad proiiciendam molem tan-
tam ex humeris vestris, & pacem meā
æteruæ salutis nuntiam requirendam?
Sinite iam filij oppressionem hanc,
& ad auram vitæ immortalis respira-
te. Et-

te. Etenim omnia, quæ diligitis & ne-
gotiamini, finem habent, & tela quam
ordimini, citò succidetur. Quare ergo
non præmeditamini tristem exitum
laboris vestri, & conuertimini ad dul-
cissimum otium meum, vbi veram læ-
titiam, & spem gaudiorum matrem
inuenietis? Quod, si vobis durus est hic
sermo, & non potestis sustinere eum,
quasi negotia deponere non valeatis:
destinate saltem modicum tempus, ut
mecum quotidie, negotiemini. Clama-
te ad me in fortitudine, & rerum tem-
poralium pondere grauati cadite co-
ram me: ut misericordia motus aufe-
ram à vobis iugum ferreum, sub quo ci-
bum, qui perit, operamini. Recedite à
tabernaculis Ismael, & seruitutem
dnram detrectate. Captiui filij mei,
quærите libertatem honestissimam fi-
liorum Dei: agnoscite christianam di-
gnitatem: & nolite ad seruorum labo-
res degeneri conuersatione redire.
Si cordis auribus audieritis verba
mea, ego ostendam vobis suspiranti-
bus ad me, quantò sit dulcius Patri
meo,

'I 2

meo,



meo quam mundo seruire. Et dabo vo-
bis cor carneum, ablata duritia vestra,
vt iam sequamini me, & voluntas ve-
stra requiescat in suauissima lege mea.

C A P. X I.

Hortatur ad custodiam cordis.

FILII, omni custodia custodite
corda vestra, ne què in hac vigilia
dulcissimæ dilectionis vnquam dormi-
tetis. Custodite corda, sicut amatores
mundi custodiunt aurum, ne forte per
ingratitudinem, vel incuriam, pereatis
de via iusta. Ne admittatis consilia ho-
minum, qui sanguinem meum æstimare
nesciunt, & salutem æternam suam,
non magnopere curant. Murum qneum
circumdate cordi, ne hostes vestri no-
cendi cupidissimi, ædificium spiritus
euertant. Ego noui fragilitatem cordis
humani, quod facile seducitur, vt in
varios amores diuidatur. Experientia
quoque scire potestis, quoties cor ve-
strum captiuum egrediatur à seipso, vt
seruiat creaturis, quarum voluptate
trahitur. Vigilate, & diligentissimè ca-
uetec tactum mortuorum, quibus ple-
nus est